

АНОКЛАМС САЙ КИЗОНЬ СЕЛЬХОЗВЫСТАВКАТИ

Октябрь 15-це шистонза съол-
говсь Всесоюзная сельскохозяйст-
венная выставкась.

Тя кизоня выставкась нинге
весть няфтезень социалистический
велень хозяйствать гигантский ус-
пехонзон, конат сатфт минь стра-
насонк передовой ломаттнень
упорной трудснон мархта.

Нят грандиозная успешнень сато-
маса примосесь активной участия
ленинско-сталинский комсомолс-
ке. Мордовияста тя кизоня
ВСХВ-нь участника лувондовсь
1575 ломань, синь эздост 270
од ломань и комсомолец. Ня
ломаттне честнайста и добросо-
вестнайста работаь велень хозяй-
стваса тиендсть и тиендихть под-
линная чудесат.

Тянди ащи яркай примеркс „Крас-
ный урожай“ колхозонь комсомо-
лецъ (Мельцаевский район) С. И.
Быков ялгась, кона 5 свиноматка-
ста получаь 84 деловой пурхкия.
Или вов сясваськ примеронди
З.-Поляный районца Куйбы-
шевть лемса колхозонь комсомол-
каты Чадайкина Нюрать. Сон ра-
ботаь колхозной конюхокс, якай
16 вашеня мелге и сембе шумб-
рат и справнат.

1940-це кизось велень хозяйст-
вать вишкоптемаса ащи особен-
ная кизокс. Партиять и правитель-
ствать лама важнейшей решенияс-
на арасть необычайной вины сти-
мулкс колхозной строить сяда то-
воддонь кемокстаманцты. Мордо-
виянь лама МТС-т, колхозт и ве-
лень хозяйствань сядат передо-
викт сатсть ни прават улемс
1941-це кизоня ВСХВ-са участни-
кокс. Синь йоткост минь мутаме
лама комсомолецт и од ломатть.
Вов, например, молодежно-комсо-
мольский звеньевойхне—Егорова
ялгась (Ардатовский район), Зу-
барева ялгась (Кочкуровский рай-
он), Филатова ялгась (Атяшевский
район), Мордовская селекционная
станциянь звеньевойхне и лама
иля стахановецт и стахановкат, а
тяфтама ломаньда Мордовияса аф
кржа.

Комсомольский организаци-
онень инголе ащи ответственной и
почетной задача—максемс эрь ши-
ня лезкс эрь стахановец од ло-
мант и комсомолецт, и сатомс
сянь, штоба сон улель участни-
кокс выставкаса.

Вдь киндиге аф секрет, што
1940-це кизоня башка районга, ко-
да, например, Рыбкинаны и С.-
Шайгованы районца ВСХВ-нь
участникнень йоткса ашель фкя-
вок комсомолец.

Тяни, мзярда келиста келемсь
предоктябрьский социалистический
соревнованиясь, комсомолецненьди
и аф союзной од ломаттненьди эря-
ви сядонга деятельна работамс
сельскохозяйственной кизотъ аде-
ламаса, урядамс поздний сьорот-
нень, аделамс ловалу сокамать, ти-
емс кемь основа сай кизонь уро-
жайть сатоманцты и марнек рас-
читаться госуларствать инголе,
сатомс вельхозяйственной рабо-
таь сембе отраслатнень эса ре-
шающей успехт, конат ба аралхть
васень рекомендациякс ВСХВ-нь
участниконь правань сатомати.



СНИМКАСА: Саранск ошень 12-це № школань пионерский отрядсь сборда меле тонафни Октябрьский революция 23 го-
довщиначь честьс морот.
Фотось А. Канифатьавть.

Предоктябрьский соревнованиясь

ПРАЗДНИКТЬ ВАСЬФТСАЗЬ ЦЕБЯРЬСТА ТОНАФНЕЗЬ

Эстакиге, кодак аныцек аделавсь
руководящий комсомольский ор-
ганонь отчетно-выборной кочка-
мась, Ковылкинаны средний шко-
лань комсомольский организаци-
онь одс кочкаф комитетсь деятельна
ушедозе эсь работанц.

Школаса лувондови сембоц пи-
онерский 12 отряд, конатненьди ком-
сомольский комитетсь назначен-
дась од активист-комсомолецт
пионервожатайкс. Пионерский от-
рядтне тяниень пингть мольфтихть
пионерский активонь кочкамат.

Комсомольский организаци-
онь од комитетсь няфтсь оцю иници-
атива предоктябрьский социалисти-
ческий соревнованиять организо-
вандамаса. Тяниень пингть клас-
сне сувасть социалистический со-
ревнованиясь и башка эрь ученикс
сявсь эсь лангозонза конкретная
самообязательстват.

Аф кальдявста ладяф школаса
кружковой и культурно-массовой
работась. Школаса организовандаф
3 литературной, 2 музыкально-дра-
матический кружокт, 2 кружокт

ПВХО-нь значоконди нормань мак-
сомаса, а тяфтажа цебярьста ра-
ботахть МОПР-нь и СВБ-нь ор-
ганизациятне.

Школань ученикне якайхть кол-
лективна кино-картинань ваноме.
Вов, например, синь ванозь: „При-
ятеля“, „Сорочинская ярмарка“
кино-картинатнень и сяда меле
тиендихть коллективной обсуж-
дения.

Цебярьста ладяф тевсь школаса
газетань и журналонь сьорматф-
томаса. Аныцек школать вельде
сьорматф 120 экземпляр „Моло-
дой ленинец“ газета, эрь классъ
получай „Пионерская правда“
и лама иля журналхт.

Аф кунара, комсомольский од ко-
митетсь пуропнесь общай комсо-
мольский собрания, коса прорабо-
танайхть ВЛКСМ-нь районная
V-це конференциять и ВЛКСМ-нь
областной 7-це конференциять ре-
шениясна.

Смирнов.

Ковылкинский район.

ПВХО-нь значкистонь курст

Чамзинкань осовавиномонь рай-
советсь организовандась произ-
водства атак тук 2-це ступе-
нень ПВХО-нь значкистонь курст.
Курснень эса тонафнихть райцен-
трань лучшей 15 цюра и
стирь.

ПВХО-нь тевса инструкторсь
Бочкарев ялгась азозе, што курс-
не аделавихть Октябрьский рево-
люция 23-це годовщиначь самс.

Зазыгин.

ПРАЗДНИКТИ

Мордовский педагогический ин-
ститутонь самодеятельный кружо-
кне деятельна аноклайхть Октя-
брь XXIII-це годовщиначь. Му-
зыкальный и хоровой кружокне
аноклаихть советский композито-
ронь лама морхт. Драматический
кружоксь праздники аноклай

пьеса „Любовь—яровая“.
Сембе нят кружокне выступат
вечерса, конац посвящается Ок-
тябрьский Социалистический ре-
волюция XXIII-це годовщиначь-
ты.

В. Моськин.

Саранск ош.

Комсомолецне- агитаторхне азондсаь од законтть

Мокшенъ Ювня велень первич-
най комсомольский организациясь,
получамок Государственной Тру-
довой Резерватнень колга СССР-нь
Верховный Советъ Президиумонц
Указонц, пуроптсь комсомольский
собрания, коса специальна выдви-
нули 8 комсомолецт агитаторкс.
Лучшая комсомолецне-агитатор-
хне П. И. Мухаевсь, И. С. Ратни-
ковсь и Ф. Т. Челмакин оцю мялса
азондсаь тя исторический за-
контть политический и хозяйст-
венной значениянь населенияти.

Комсомольский собранияса Чел-
макин и лама лия ялгатне азозь, што
синь молихть Ремесленной Учили-
щав тонафнема и оцю радостьса
учихть тонафнемать ушедоманц
эса.

Г. Немов.

Торбеевань р-н.

Добровольна молихть школав

Ковылкинский райононь колхоз-
никне, рабочайхне и од ломаттне
оцю мял мархта васьфтезь
СССР-нь Верховный Советъ Пре-
зидиумонц Указонц Государствен-
ной Трудовой Резерватнень колга.
14—17 кизоса од ломаттне оцю
мял мархта молихть школав,
штоба арамс квалифицированной
работайкс.

Александр Золинц эсь заявлени-
ясонза сьормадь: „Мон добро-
вольна молян Ремесленной Учили-
щав, монь мялезе арамс квалифи-
цированной работайкс—токарькс“.
— Ули оцю мялезе тонафнемс
Ремесленной Училищаса и тонаф-
немс токарькс,—сьормадь „Крас-
ная пресня“ совхозста Вася Трен-
кинц.

Райсоветъ председателенц лемс
кучф 40 заявленияда лама. Заяв-
лениянь макссемась моли.

А. Абакумова.

Нинге весть саттнень колга

Краснослободский районца Пяткш велень „Пример“ колхозса озафнеф аф йомла, и пяк цебарь сад. Бта од рощаня, ты садсь вельхтызе пандашаманянь.

— Нинге киза, пяк лама, кафта, — корхтайхть колхозникне, — эста архкатама од садонь марьда.

Садоводсь Родькин ялгась пяк старандай, штоба сяда курокоия пашкодемс колхозникнень ты учемаснон. Сон кельгозь касфты эрь марлюнять и иля шуфтонятнень эса. Тунданьберьф и кизонда Родькин ялгась пятай йофси изь лисенде саднять эзда.

— Марлюнять пачк лац виендсть, — корхтай Родькин ялгась колхознай председателити. — Эрявхть синь анокламс тялоти, анокламс керьнять, вадендемс известьса, а сяда оцюнятнень — юрсон кяшемс наземса.

— Ладна, тят пичедь, — отвечашнесь колхозонь председателсь, — сембонь анокласаськ!

Родькин ялгать эстакиге пелезевсь седиец, што председателсь васькафты сонь.

— Эйндафтыне кельмось, марлюнятнень, — имафты сембе трудозень, — арьсесь Родькин ялгась.

Вов тяниенге, сась ни сьоксесь, и курок сай тялоське, а садть тялоть эзда ванфтоманц инкса председателсь мезевок ашесь тийфте.

Д. Пиксайкин.

Краснослободский р-н.

ШКОЛАСА АШ ФКЯВОК ПОЛЯНА ПЕНГЯ

Сире Исапри велень средняя школеса директоркс работай Антонов ялгась, конац эсь пингстонза ашесь шарфне кодамовок мяль тонафнемати школать анокланц шири, мезень сюнеда школась кальдявста обеспечендаф учебнай и нагляднай пособияса, апак укомплектовандак преподавательский составсь (аш физик и математик), а сембода кальдяв ся, што школати апак аноклак тялоти пенгят. Пинкне ни ушеткшихть якшафнема, а школась ащи апак ушнек.

Инсарань районоти ты тевсь эряви проверямс и примамс эрявикс мерат.

П. Липенкин.

Пионерхне кочкасть эстейст актив

ВЛКСМ-нь ЦК-ть решениянц коряс пионерхнень эряфса — октябрь 8-це шистонза сывомок 20-це шинцы модемс, йотафневсь пяк ответственной тев, йотафнесть активонь кочкамат.

Синь ингодест ашесь задача — кочкамс стама актив, конань виенц вельде нинге сяда вишкомоль работась отрядса, касоль дисциплинась и отличнай и цебарь оценка мархта тонафниень лувкссь.

Саранск ошень 1-це № школань пионерхне нинге выборхнень ушedomс йотафтсть эрявикс аноклама, а сборхне йотасть пяк живойста и интереснайста. Октябрь 12-це шинцы отрядтнень эса кочкаматне ульсть аделафт. Пионерский активу кочкафт лучшей пионерхне.

Од активсь вишкста и серьезнайста кярмодсь работати. Тифт работань платт, конатнень эса васьень вастт занцесы отличнайста тонафнемать инкса тюремась. Пионерхне вятихть аноклама работа



Якстерь Армиянь од пополнения тынафнемац. СНИМКАСА: Младшай лейтенантс М. Я. Григорьевсь знакомдасынь одс саф боецнень караульной службань Уставть мархта. (Омбоце отдельнай Краснознаменной Армиясь).

Фотось Д. Кропиновть (ТАСС).

ОСО-нь организациятне аф работайхть

Паева велень „Виде ки“ колхозонь осовиахимский организациясь колхознай од ломаттнень и эсь членонзон йоткса аф вяти кодамовок работа, мезень сюнеда ты организацияса аш ОСО-нь фкявок стама член, конанц ба улель обороннай кодама-кодама значокоц.

Оборонно-физкультурнай работась тяфта жа пяк кальдявста ладьяф Алякс велесовок. Тяса ОСО-нь члеттнень йоткса вов 8 кофти кода ашель собрания. Кода правила, членский взносне кочксевихть случайста-случайс.

Нят кафцьке велетнень эса улихть ВЛКСМ-нь организациятка, но работань ты важнейшай участ-

коть шири аф шарфнихть кодамовок мяль.

Эряви азомс, што ОСО-нь первичнай организациятнень мархта йофси аф сатомшкаста руководит ОСО-нь райсоветскя. Например, Паева велень осовиахимский организацияса райОСО-ста нинге кивок ашель.

Комсомольский организациятне ОСО-нь организациятнень эса должетт ладямс большевистский порядка, иба синь тянь тиёмс обязатт.

Н. Лобанов,
А. Митин.

Кадошкинань район.

ГСО значоконь 2 кружокт

Од Выселкань средняя школеса цебарьста ладьяф ГСО-нь значикстонь анокламась. Октябрь ковста Г. И. Гольберг и К. П. Рогачев ялгатнень инициативаснон вельде организовандафт ГСО значоконь комплекснай норматнень тонафнемаса 2 кружокт, конатнень эса лувондови 95 ученик. Синь эздост

44 стирьня. Тонафнемась йотафневсь систематически, эрь шиня. Нят тонафнихнень ламоснон улихть ни ГСО 1-це ступень значоксна и максихть нормат ГСО 2-це ступенень значокти.

Г. Лобурев.

З. Поляннань район.

Производствань ударница

Чувакова Евгениясь Ковылкинский лесозаводса работай вов ни пятай 3 кизот.

Прилежна сон пашкотькшнесыне тейнза максевеи поручениятнень. Сон кувака пингс работась черновой работаса, а вов 7-це ковсь ни работай кочегаркс. Чувакова ялгась эсь работанцты ваны цебарь мяльса и лувондови ударникакс. Тяни Чувакова ялгась аноклай прят ленинскяй комсомолу.

А. Абакумова.

ОМБА МАСТОРГА

Англо-германский войнась

Октябрь 18-це шинь германский военной сводкаса корхтати: тежда бомбардировщиконь эскадрильятне тага тиендсть налет английскяй столицаты и Англиять юго-восточнай ошезон лангс. Удалась тапамс важнай об'ектнень, коват ашихть Лондонть восточнай пилькссонза Викториянь докнень маласа, а тяфта жа Темза ляйть сяда север ширень районзонза.

Веть германский авиациясь одукс атаковандазень Лондонть промышленнай районзон и докзон. Бомбардировандафт Ливерпульсь и Бирмингамсь.

Пикирующей бомбардировщикне Ла-Маншса ваяфтьсь английскяй подводнай лодка. Германский береговой артиллериясь ляцендесе Дувр портть.

Кода пачфни Рейтер агентствась, кальдяв метеорологический условиятнень сюнеда, октябрь 18-це шинц карша веть английскяй бомбардировочнай авиациясь Германиянь военной об'ектнень каршес ашесь тиенде кодамовок операцият.

Лондонца опубликовандафт официальной даннайхть сентябрь ковя гражданский населениять йоткса жертватнень лувксснон колга.

(ТАСС).

АНГЛИЯСА ГРАЖДАНСКИЙ НАСЕЛЕНИЯТЬ ЭВАКУАЦИЯ

„Ньюс Кроникл“ английскяй газетась сьормады, што Англияса, возможна, ули йотафтф странать особа угрожаемая районзон эзда населенияти принудительнай эвакуация.

Кода пачфни „Рейтер“ агентствась, Англиять здравоохранениянь министрц Магдональд азозе, што 720 тыожань идь и 419.100 ава эвакуированнайхть промышленнай ошнень эзда велень васттнени. Велетнени прважафт Лондонца школьной возрастса итнень 46-шка процентсна. Эрь шиня лама тыожань идь мархта ава туйхть столицаста.

Агентствать сведениязон коряс, английскяй правительствать мялец илядомс Лондону.

(ТАСС).

Ответ. редакторсь И. ЧУДАЙКИН.